

Jawhar KESIDANG TVET TERBILANG

UNIVERSITI TEKNIKAL MALAYSIA MELAKA
اوبون
UNIVERSITI TEKNIKAL MALAYSIA MELAKA



PL
5136
J34
2024
a



PERPUSTAKAAN LAMAN HIKMAH
UNIVERSITI TEKNIKAL MALAYSIA MELAKA
INGATAN TULUS IKHLAS

SUMBANGAN

SITI SALUWA BT JAMAL

TEL : 06-270 1000 FAKS 06-270 1022
<http://library.utem.edu.my>

اويومر سیتی بی سیتی ملایسیا ملاک

UNIVERSITI TEKNIKAL MALAYSIA MELAKA

KI/SRA/GIFT/A/DR
CN: 124332
87518496

PL5136 .J34 2024



اويونرسيتي تېكنيكل ماليسيا ملاك

UNIVERSITI TEKNIKAL MALAYSIA MELAKA



اويونرسيتي تېكنيكل ماليسيا ملاك

UNIVERSITI TEKNIKAL MALAYSIA MELAKA



Jauhar
**KESIDANG
TVET
TERBILANG**



UNIVERSITI TEKNIKAL MALAYSIA MELAKA

Penerbit UTeM Press
Universiti Teknikal Malaysia Melaka
2024

© Universiti Teknikal Malaysia Melaka
ISBN: 978-629-7658-92-6

Cetakan Pertama 2024

Hak cipta terpelihara. Tiada bahagian daripada terbitan ini boleh diterbitkan semula, disimpan untuk pengeluaran atau ditukarkan ke dalam sebarang bentuk menggunakan sebarang alat sama ada dengan cara elektronik, gambar serta rakaman dan sebagainya tanpa kebenaran bertulis daripada pihak Penerbit UTeM Press, Universiti Teknikal Malaysia Melaka.

Penaung

YBhg. Profesor Datuk Ts. Dr. Massila Kamalrudin

Penasihat

YBrs. Encik Masdzarif Mahat

Ketua Editor

YBrs. Ts. Dr. Ruziah Ali

Penyelaras dan Penyunting

Fatonah Salehuddin
Rahizah Abdul Rahman

Pemantun

Dr. Isma Addi Jumbri
Mohamad Riduwan Md Nawawi
Nurhafidz Abdul Sahak
Khairul Razik Mohamad Isa
Nurul Akmar Mehat
Muhamad Hazrul Md Esa
Mohammad Dzulhisham Che Hassim
Erni Suhadah Mod Husin
Lela Omar
Zanariah Ali
Aswanzie Abbyd Zainal Abidin

Penulis SDG

Mohd Shahrul Nizam Shukor
Nurul Hazwani binti Mohamed

Pembaca Pruf

Mohd Hafizuddin Yusof
Nur Danisha Amni Nurhafidz

Reka letak dan Reka Bentuk

Shahril Hazizi Abu Bakar

Jurufoto

Md Nor Mohamad Saleh
Asri Abu
Mohd Farid Supangi



Data Pengkatalogan-dalam-Penerbitan

Perpustakaan Negara Malaysia

Rekod katalog untuk buku ini boleh didapati
dari Perpustakaan Negara Malaysia

ISBN 978-629-7658-92-6

Kandungan

Perutusan Naib Canselor	5
Watikah Penasihat	7
Teraju Utama UTeM	9
Selayang Pandang UTeM	10
Jauhar Kesidang TVET Gemilang	12
Memperkasa TVET, Meluncur Kerjaya	15
Mempromosikan RICE, Menjana Pendapatan	33
Menjuarai Khidmat Insani, Mengundang Kesejahteraan	47
Mencetuskan Ekosistem Rancak, Melestarikan Universiti	65
Mengembangkan Nilai, Menggamit Kemakmuran	83



Sinar jingga menerobos laju,
Langit angkasa terang cahaya;
Siap siaga unggul peneraju,
Memacu wangsa ke puncak jaya.

Kompas armada bintang kejora,
Indah kerdipan membuai akal;
Realisasi agenda TVET negara,
Lahir gagasan profesional teknikal.

Sinari dunia cahaya matamu,
Puitis madah jiwa gelora;
Memimpin cendekia prakarsa ilmu,
Mandala ilmiah legasi negara.

Arakan awan prahara tiupan,
Cerlang sinaran sirna zulmat;
Paksi keilmuwan manhaj kehidupan,
Cermin keintelektualan tunjang matlamat.

Bayu sapaan irama simfoni,
Alunan merdu suntik semangat;
Misi pemerksaan generasi madani,
Memartabat ilmu demi sejagat.

Bait tanzil sitiran atma,
Stanza jiwa nazam perawi;
Melonjak kesarjanaan cita utama,
Akademia wibawa mewajahi pertiwi.



Perutusan Naib Canselor

Prof. Datuk Ts. Dr. Massila Kamalrudin



اوبونر سبتي تېكنيكل مليسيا ملاك

UNIVERSITI TEKNIKAL MALAYSIA MELAKA





Lirik maharani jendela pedati,
Sambut titipan dibawa pulang;
Wakalah murni bingkisan hati,
Buat tatapan warga terbilang.

Nakhoda gundah bahtera meredah,
Peluh merengat lenyap jendera;
Garapan madah berseni indah,
Memakna keringat melonjak juara.

Tuju dermaga sarat madura,
Meredah kelam tenggelam jangan;
Bait pujangga alun bicara,
Persembah kalam buat renungan.

Cenderasari melepas jerat,
Terbang ke rawa singgah di sawah;
Tinta menari mencoret hasrat,
Menyatu warga membulat ukhuwah.

Arus ditongkah sederas daya,
Demi janji menghapus walang;
Sederap langkah menuju jaya,
Kibar panji di puncak gemilang.

Ayu diandam puteri Melati,
Dirai wangsa arak ke takhta;
Warkah gurindam nukilan hati,
Berkongsi rasa memakna cinta.

Watikah Penasihat

YBrs. Encik Masdzarif Mahat
Ketua Pegawai Operasi





Teraju Utama UTeM



Terma kudup penuh prakarsa,
Jauhar awalan berhenyak di jihat;
Lama hidup dapat dirasa,
Jauh berjalan banyak dilihat.

Laju bergema, laungan tetuang,
Jaguh pulang berserta tamu;
Teraju utama umpama tiang,
Teguh menjulang bitara ilmu.

Teraju utama umpama tiang,
Teguh menjulang bitara ilmu;
Maju nama hukama juang,
Jaguh pulang betara bertemu.

Pepatah akal tak sekali tiba,
Runding tak sekali datang;
Betah kekal menakali hiba,
Gading berwatak melali guntang-guntang.

Takzim berandang beruas-ruas,
Redup bersalam pohon ketapang,
Lazimkan berpadang luas,
Hidup beralam lapang,

Segar meredup turus kembara,
Berbilah bubuk bakal dibendung tara;
Agar hidup terus membara,
Jadilah lubuk akal gedung bicara.

Selayang Pandang UTeM

Universiti Teknikal Malaysia Melaka (UTeM) ditubuhkan pada 1 Disember 2000 sebagai IPTA Teknikal pertama di Malaysia. Terletak di negeri Melaka yang diiktiraf sebagai Bandaraya Warisan Dunia oleh UNESCO, UTeM mempunyai dua buah kampus iaitu Kampus Induk di Durian Tunggal dan Kampus Teknologi di Ayer Keroh. Kampus Induk berada di dalam kawasan seluas 725 ekar yang lengkap dengan semua kemudahan dan dikelilingi kehijauan alam sekitar. Manakala Kampus Teknologi pula berada di dalam kawasan industri yang bertepatan dengan visi dan misi UTeM untuk memenuhi keperluan industri.

Sebagai sebuah universiti berfokus, UTeM memfokuskan kepada bidang kejuruteraan termaju dan teknologi pengkomputeran. UTeM sentiasa mengekalkan reputasinya sebagai penjana modal insan yang mempunyai kepakaran meluas dalam bidang teknikal untuk keperluan sektor industri berteknologi tinggi. Bidang penyelidikan di UTeM juga memberi penekanan kepada bidang yang dikenal pasti mampu meningkatkan kredibiliti unik UTeM dan mampu meningkatkan reputasi UTeM sebagai sebuah universiti teknikal seperti teknologi hijau, kejuruteraan sistem, interaksi manusia-teknologi, dan teknologi termaju.

Terdapat enam buah fakulti dan tiga buah sekolah/pusat/institut yang menawarkan pengajian berasaskan teknologi, kejuruteraan, ICT, dan pengurusan daripada peringkat diploma sehingga doktor falsafah. Fakulti-fakulti tersebut adalah:

- Fakulti Teknologi dan Kejuruteraan Elektronik dan Komputer;
- Fakulti Teknologi dan Kejuruteraan Elektrik;
- Fakulti Teknologi dan Kejuruteraan Mekanikal;
- Fakulti Teknologi dan Kejuruteraan Industri dan Pembuatan;
- Fakulti Teknologi Maklumat dan Komunikasi;
- Fakulti Pengurusan Teknologi dan Teknousahawanan;
- Sekolah Pengajian Siswazah;
- Pusat Pembelajaran Bahasa; dan
- Institut Pengurusan Teknologi dan Keusahawanan.

UTeM mempunyai seramai 15,132 pelajar yang terdiri daripada 13,896 pelajar pra-siswazah dan 1,236 pelajar pasca-siswazah. Daripada jumlah keseluruhan pelajar ini, seramai 562 orang adalah pelajar antarabangsa dari pelbagai negara. UTeM juga telah menghasilkan seramai 45,657 graduan sejak majlis konvokesyen yang pertama pada tahun 2005. Graduan UTeM menjadi rebutan industri dan ini diterjemahkan dengan kadar kebolehpasaran graduan yang tinggi, iaitu 97.7% (tahun 2023).



Sebagai sebuah institusi berorientasikan TVET, UTeM mempunyai kerjasama dan kolaborasi dengan lebih 100 industri dari dalam dan luar negara. Tambahan lagi, kerjasama global yang mampan turut dijalinan dengan lebih 50 universiti antarabangsa, terutamanya dari China, Jerman, Jepun, Indonesia dan Romania. Lebih membanggakan apabila UTeM disenaraikan sebagai salah sebuah universiti terbaik dunia dalam penarafan Quacquarelli Symonds (QS) World University Rankings 2025 pada kedudukan ke 1201 - 1400 daripada 5,663 institusi yang dinilai. UTeM juga memberi penekanan kepada kampus hijau dan kelestarian alam sekitar apabila dinobatkan dikedudukan ke-106 antarabangsa daripada 1,183 universiti seluruh dunia dan ke-5 di Malaysia dalam UI Green Metric World University Ranking 2023.

Majlis Konvokesyen Universiti Teknikal Malaysia Melaka kali ke-20 ini meraikan kejayaan 3,459 orang graduan yang telah menamatkan pengajian dalam pelbagai peringkat dan bidang pengajian mereka menerusi enam sesi penganugerahan yang merangkumi 120 orang graduan Ijazah Doktor Falsafah, 159 orang graduan Ijazah Sarjana, 2,683 orang graduan Ijazah Sarjana Muda dan 497 orang graduan Diploma.

Kejayaan yang dicapai oleh para graduan pada hari ini merupakan tangga pertama dalam menempuh alam pekerjaan. Kecemerlangan akademik yang diperolehi turut diasah bersama kemahiran insaniah bagi memastikan para graduan mempunyai ciri-ciri yang menepati pasaran industri. Perkara inilah yang akan memberikan keistimewaan kepada para graduan berbanding dengan orang lain yang telah memperoleh kejayaan yang sama.

Alam pekerjaan merupakan satu pengalaman yang berbeza di mana para graduan perlu bersaing bagi memastikan perjalanan karier yang lebih baik seterusnya menjamin masa depan yang lebih cerah. Kemantapan jati diri juga akan menjadi faktor utama untuk kemandirian dalam dunia penuh mencabar hari ini. Kejayaan yang telah diukir di atas transkrip ini perlu dilengkapi dengan pembawaan diri yang serba boleh dalam segala bidang.

Tahniah kepada para graduan Majlis Konvokesyen Universiti Teknikal Malaysia Melaka kali ke-20.


Jauhar Kesidang **TVET Terbilang**

Jauhar Kesidang TVET Terbilang adalah simbolik UTeM sebagai gerbang ilmu yang berperanan menghasilkan permata TVET dari kelompok kesidang untuk memenuhi agenda pendidikan utama negara iaitu melahirkan pelajar yang belajar sepanjang hayat dan berkemahiran serta berkebolehan menangani perubahan teknologi yang pantas. Ianya juga menggambarkan kepakaran dan kebijaksanaan para ilmuwan di UTeM yang mengharumkan nama universiti dalam pelbagai arena sama ada akademik atau penyelidikan serta menjulang ilmu ke peringkat yang disanjung tinggi.

Jauhar Kesidang TVET Terbilang memuatkan garapan pantun sebagai satu usaha murni UTeM dalam memartabatkan seni berpantun yang semakin ditelan zaman sebagai jalan penceritaan. Segala aktiviti UTeM diadun dan diolah di dalam buku ini dengan penceritaan bergambar berdasarkan tema lima teras strategik UTeM iaitu:

UNIVERSITI TEKNIKAL MALAYSIA MELAKA

1. Memperkasakan TVET, Meluncur Kerjaya;
2. Mempromosikan RICE, Menjana Pendapatan;
3. Menjuarai Khidmat Insani, Mengundang Kesejahteraan;
4. Mencetuskan Ekosistem Rancak, Melestarikan Universiti; dan
5. Mengembangkan Nilai, Menggamit Kemakmuran.



Merempuh onak denai di ganang,
Gunung Daik dihuni rusa;
Kalangan sanak UTeM dicanang,
TVET terbaik segenap nusa.


Rumput belulang dibuat ubat,
Merawat zahir luka di paha;
Ilmu dijulang tingkat martabat,
Insan mahir lancar usaha.

Hidup berakal menebas dangkal,
Nafi dan isbat dibuat galang;
Cerdas teknikal mahir praktikal,
Ilmuwan hebat siswa terbilang.

Riang bertamu istana Puteri,
Gong dipalu merafak sembah;
Lengkap ilmu keperluan industri,
Saling perlu sinergi digubah.

Terbang merak di langit petang,
Dalam ujana dipagar cemara;
TVET mencorak era mendatang,
Bangkit membina ekonomi negara.

Bersilat Tuah berbunga tari,
Disulam gendang bersalut belulang;
Di bumi bertuah UTeM berdiri,
Jauhar Kesidang TVET Terbilang.





UTeM

اويومر سیتی تک تک کل ملایسا ملاک

UNIVERSITI TEKNIKAL MALAYSIA MELAKA

UTeM PANORAMA Melaka

Majlis Menandatangani

di an UTeM dan
PANORAMA SDN.

ac 2024
Mesyuarat

5

Memperkasa TVET MELUNCUR KERJAYA

Teras strategik pertama memberi tumpuan kepada pemerksaan Pendidikan dan Latihan Teknikal dan Vokasional (TVET) di UTeM. Sebagai sebuah universiti teknikal, UTeM memainkan peranan penting dalam memperkukuh kedudukan TVET sebagai laluan akademik yang relevan dan berkualiti tinggi. UTeM komited untuk menyediakan program akademik yang berasaskan TVET dengan tujuan menghasilkan graduan yang memiliki kemahiran teknikal dan vokasional yang memenuhi kehendak industri. Pembangunan ini adalah sebahagian daripada usaha untuk menyokong keperluan negara dalam melahirkan tenaga kerja berkemahiran tinggi yang diperlukan oleh sektor perindustrian dan teknikal.

Untuk mencapai matlamat ini, UTeM melaksanakan beberapa inisiatif strategik, termasuk memperkukuh kerjasama dengan pihak industri melalui memorandum persefahaman (MoU) dan kerjasama strategik dengan institusi TVET. Program diploma dan sarjana muda dalam bidang-bidang teknikal juga ditambah baik dan disesuaikan dengan keperluan pasaran kerja. Selain itu, UTeM juga menyediakan kemudahan yang lebih baik, termasuk makmal dan bengkel teknikal, untuk memastikan pelajar dapat menerima latihan praktikal yang bersesuaian dengan industri.

UTeM turut memberi perhatian kepada aspek promosi dan penjenamaan TVET sebagai pilihan laluan akademik utama. Melalui program ini, UTeM berusaha untuk menarik minat pelajar tempatan dan antarabangsa untuk mengikuti pengajian berasaskan TVET. Pada masa yang sama, universiti juga meningkatkan mobiliti pelajar dengan memberi mereka peluang menjalani latihan industri yang diiktiraf di peringkat antarabangsa. Secara keseluruhan, STI berfokus kepada menyediakan laluan kerjaya yang mantap bagi pelajar TVET di samping mempersiapkan mereka untuk menyumbang kepada ekonomi negara sebagai pekerja mahir dan usahawan.



Puteri bertemu penuh janji,
Putera berbudi jadi idaman;
Raikan tetamu adat terpuji,
Resam bersendi tak telan dek zaman.

Simpuh di anjung dijamu suji,
Buah pinang disiat-siat;
Budi disanjung usaha terpuji,
Dikenang-kenang sepanjang hayat.

Buah seikat beri alamat,
Bekas diisi cantik digaya;
Ilmu diangkat satu matlamat,
Capai visi ulung cahaya.

Indah serambi pagar gerigi,
Hidang serawa bersama gulai;
Jasa murabbi diangkat tinggi,
Korban jiwa tiada ternilai.



Duduk bertamu sambil tertawa,
Hidangan tradisi enak dirasa;
Martabat ilmu satukan jiwa,
Menerus legasi cerlangnya bangsa.



Seri Langkat angin mendayu,
Hidangan disaji buat peneman;
Ilmu diangkat sejajar wahyu,
Darjat terpuji seiring zaman.



Gula sira di rumah kenduri,
Tetangga ramah sepakat kendarat;
Riak gembira wajah berseri,
Segulung hikmah digenggam erat.



Tari senada secantik bahasa,
Tari terarah gerak teliti;
Ayah dan bonda megah terasa,
Warisan darah sedia berbakti.



-Majlis Konvokesyen UTeM Ke-19 (4 hingga 6.11.2023)
-Majlis Makan Malam Konvokesyen UTeM Ke-19 & Anugerah Akademik
Universiti 2022 (1.11.2023)



Cantik acuan diisi puri,
Rasanya nikmat penuh aroma;
Datang tuan membawa seri,
Limpah rahmat nikmati bersama.

Lunak qasidah hingga terlena,
Hilang waham terbit mentari;
Janjimu indah penuh makna,
Membenih ilham buat jauhari.

Simpuh pujangga di pohon redup,
Syair indah dihasil cipta;
Santuni warga semangat hidup,
Satu matlamat menggapai cita.

Bersiram inang berbau wangi,
Jadi rebutan para seniman;
Budi dikenang kami sanjungi,
Jadi ingatan sepanjang zaman.

UNIVERSITI TEKNIKAL MALAYSIA MELAKA



Mudik biduan bawa keranji,
 Tuju ke lembah membimbit wadah;
 Bertamu tuan mengota janji,
 Jalinan mahabbah bersemi indah.

Bunga disemat hiasan wanita,
 Tersemat di dada seindah salju;
 Satu matlamat mencapai cita,
 Seiring senada wawasan maju.



Burung merak indahnya sifat,
 Cantik tercipta bak bulan purnama;
 Walau jarak memisah tempat,
 Serumpun kita tetap bersama.

Hadir tetamu sambil ziarah,
 Cantiknya baju di hari raya;
 Kongsi ilmu cipta sejarah,
 Melakar.maju bangsa berjaya.

-Lawatan Kerja YB Menteri Pengajian Tinggi ke UTeM (5.5.2023)
 -Lawatan Rektor Institut Teknologi Sumatera (ITERA) ke FTKE dan
 FTKM (14.11.2023)



Beli belacu di tengah kota,
Ke Kuala Langkat pulang ke desa;
TVET dipacu pemangkin cita,
Kemahiran ditingkat martabat bangsa.

Indah siasah bersulam takwa,
Putera mahkota dipakai kalung;
Kemahiran diasah bangsa wibawa,
Memacu cita nusa terulung.

Simpuh isteri sambil menapai,
Menapai manisan di tepi para;
Visi industri terus tercapai,
Seiring wawasan majukan negara.

Tepi paya hinggapnya helang,
Ambil batu di waktu dini;
Sinar kerjaya terus gemilang,
Bangsa bersatu lahir MADANI.





Pisang seikat di atas bejana,
Diuli mesra di dalam dulang;
Ekonomi ditingkat kemahiran dijana,
Maju negara terus terbilang.

Intan permata hias mahkota,
Cantik hiasan indah terhemat;
Inovasi tercipta meluhur cita,
Seiring wawasan genggam matlamat.

Seputih salju adunan roti,
Enaknya rasa penuh perisa;
Pendidikan maju tingkat kualiti,
Saksama bangsa bangunkan nusa.

Seri Langkat tepian selat,
Pahlawan pulang mahu berbakti;
TVET ditingkat bangsa berdaulat,
Nusa gemilang dunia hormati.



-Majlis Pelancaran Duta TVET UTeM (26.01.2023)



Memasang jerat kelam gelemat,
Usaha petani di hutan belantara;
Hubungan erat tetapkan matlamat,
Cita murni pacu negara.

Datuk Patinggi jadi teraju,
Wilayah selatan dipelihara;
Pengajian tinggi terus maju,
Anak watan majukan negara.

Cantik pelanggi secantik kesuma,
Pasang hias pentas menari;
Pendidikan tinggi teraju utama,
Melahir generasi bijak bestari.

Petik kuini di waktu petang,
Air delima penuh diisi;
Cita murni menggapai bintang,
Maju bersama hayati visi.



-Mesyuarat Majlis Dekan-Dekan Pengajian Siswazah Universiti Awam (20.11.2023)
-Majlis Syarahan Profesor – YBrs. Prof. Ir. Ts. Dr. Sivarao a/l Subramonian (24.11.2023)



Gunung dan lurah sama didaki,
Hawa yang sejuk bukan sesalan;
Ilmu dicurah pengalaman dikongsi,
Jadi petunjuk menyuluh jalan.

Petik gitar di Hulu Langat,
Namanya masyhur tidak terperi;
Perkongsi pintar pupuk semangat,
Jiwa yang luhur merendah diri.

Masak serawa hidangan tradisi,
Tepi muara suasana desa;
Rasa jiwa turut dikongsi,
Jalinan mesra sama perkasa.

Gunung Angsi indah memikat,
Penuh palung sepanjang muara;
Ilmu dikongsi tanda muafakat,
Universiti ulung membina negara.





Alun pujangga gurindam pulang,
Tepian sawah meniup bangsi;
Santun warga nak muda cemerlang,
Menyemai ukhawah menyambung legasi.

Pecah ruyung sagu kutemu,
Dibawa simpan bekas suasa;
Kolek kudayung muatan ilmu,
Buat titipan seluruh nusa.

Indah lukisan langit lazuardi,
Damai nurani sinar biasan;
Molek kiasan santunan budi,
Citra berseni buatmu insan.

Bunga mekar wangi bersemai,
Kubawa pulang di atas dulang;
Bertunjang akar pasak ke bumi.
UTeM dijulang persada gemilang.



Keris beraksi sembah bingkisan,
Bersepuh gangsa tempa di desa;
Tutur berdiksi halus kiasan,
Molek bahasa menjulang wangsa.

Meredah malam tuju muara,
Pintar kelana anak kelasi;
Titip kalam sulam cetera,
Sarat makna penuh ambisi.

Bahtera nakhoda susur dermaga,
Arah ke kuala mengibar baksi;
Bahasa ibunda juang kujaga,
Ke puncak ancala teguh berpaksi.

Tiupan bangsi merdu di rawa,
Siul pak tani penuh bererti;
Syair puisi gurindam jiwa,
Ilham berseni bak teguh prasasti.



- Majlis Perasmian Program Outreach Bersasar 2022 Daerah Jasin anjuran UTeM & Bahagian Kemasukan Pelajar IPTA, Jabatan Pendidikan Tinggi (16.2.2023)
- Karnival Bulan Bahasa Kebangsaan (KBBK) 2023 (11 hingga 12.10.2023)

Alun gasidah dayu meruah,
Menggamit cinta putera perkasa;
Panorama indah bumi Hang Tuah,
Menyusur kota hingga ke desa.

Menari tinta berkalang duga,
Kasih semadi bak intan baiduri;
Santun kata madah pujangga,
Cerminan budi lentera diri.

Syair gundah melenyap lara,
Usir derita menuju pulang;
Lembut lidah susun bicara,
Mendakap cinta menangkis walang.

Cari widuri temu suasa,
Lelah di titi tuju ke rawa;
Janji terpatri menyemai rasa,
Tautan hati memekar jiwa.





Mudik bertamu bimbil pelita,
Tepi muara kelam mencengkam;
Kongsi ilmu kongsi cerita,
Usir lara melenyap bungkam.

Bersanggeraha melepas rengsa,
Membelah samudera lepas kesumat;
Gembeling usaha membuak rasa,
Ke mercu bitara memuncak keramat.

Petik berangan di hening pagi,
Limpas di titi tuju muara;
Menyulam jaringan memasak sinergi,
Bersatu hati menuju juara.

Lelah pendekar tepi telaga,
Pejam lena nafas dihela;
Menghimpun pakar menggilap geliga,
Rumpun bijaksana di puncak ancala.

- Majlis Menandatangani MoU di antara UTeM dan Panoforma Melaka Sdn. Bhd. (18.3.2024)
- Majlis Menandatangani MoA di antara UTeM dan Syarikat MegafraX Plastic Industries Sdn. Bhd. (20.3.2024)
- Majlis Menandatangani MoU di antara UTeM dan Frencken Mechatronics Sdn. Bhd. (16.7.2024)



Kolek kesuma ke Indragiri,
Bait ditutur bukan kiasan;
TVET karisma menjitu sendiri,
Bakat dilentur memakna insan.

Tari bertatih srikandi desa,
Siap siaga melunas janji;
Bingkis berlatih TVET perkasa,
Lahirkan warga mahir terpuji.

Menahan kantuk hamba sahaya,
Menjunjung pahar beralas dulang;
Bakat dibentuk berpaksi jaya,
Acuan jauhar TVET gemilang.

Di hujung paya merenung warkah,
Angin menyapa tangis menjelma;
TVET dan budaya seiring langkah,
Jurang sedepa di jengkal cuma.



Malaysian Technical University Network

MTUN



UNIMAS

UNIVERSITI MALAYSIA SARAWAK



UMS

UNIVERSITI MALAYSIA SABAH



Salju putih bening cahaya,
Mentari pagi sinar cemerlang;
Letak dan latih membenih jaya,
Insan berteknologi tinggi dijulang.

Turun ke paya langkah nakhoda,
Cari narwastu celahan perdu;
Majmuk budaya digarap senada,
TVET menyatu rumpun berpadu.

Cantik kebaya padanan busana,
Hiasan rerama tuju ke pekan;
Aneka budaya pelosok buana,
Sehati seirama TVET alungkan.

Putih belacu sulam hiasan,
Pelengkap gaya permata sakti;
TVET memacu cemerlang insan,
Nuansa budaya dirapi sehati.



- Majlis Perasmian TVET Place & Train UTeM@KPT (16.1.2024)
- Global Multicultural Discourse: TVET Across Continents and Cultures (11.6.2024)



Cukup sepekan warga berpumpun,
Lelah berperi menghilang bungkam;
Himpun bukan sebarang himpun,
Himpun jauhari memakna manikam.

Pencak berpaksi penuh azimat,
Himpun berkat digendong pulang;
Mengolah diksi menyusun kalimat,
Moga sepakat menuju cerlang.

Rancak seloka menjemput tawa,
Penuh daya riang gembira;
Bersua di muka bersatu di jiwa,
Membenih jaya bak kerdip Sahnura.

Tenun bersulam dibawa pulang,
Bertatah batu kerlip berlian;
Bak kelam malam berhati walang,
Himpun bersatu menjulang dian.



Titah Sultan tuju batasan,
Peluru dihumban perang diredah;
Kecerdasan buatan pengganti insan,
Meringan beban mengusir gundah.



Hias berseni cantik berdandan,
Puteri dewi harum melati;
Teknologi kini merentas sempadan,
Membangun pertiwi bak teguh prasasti.

Denai dilintas bersiul bangsi,
Damainya desa bukan khayalan;
Teknologi pantas mencorak dimensi,
Budaya bangsa seiring sejalan.



Deras menongkah menggetar sumpah,
Ombak tinggi bukan khayalan;
Kaki melangkah keringat tumpah,
Ribut teknologi diharung sejalan.

- Mesyuarat Jawatankuasa Naib Canselor Rangkaian Universiti Teknikal Malaysia (MTUN) (4.1.2024)
- Futurum Wacana Berbilang Budaya berkenaan Kecerdasan Buatan dan Ketersediaan Universiti di Masa Hadapan (Multi-Cultural Discourse Futurum on Artificial Intelligence and Future Readiness of Universities) (15.5.2024)



DR UTeM
id Hussain

DIKAN DAN

TEKUNTA

Government by Learning & Inclusive Technical Advancement
TVET Wanita

اويومر سیتی تکنيکل ملایسا ملاک

UNIVERSITI TEKNIKAL MALAYSIA MELAKA



Mempromosikan RICE, MENJANA PENDAPATAN

Teras strategik kedua menekankan usaha UTeM dalam mempromosi RICE, iaitu Penyelidikan, Inovasi, Komersialisasi, dan Keusahawanan. Tujuan utama teras ini adalah untuk memperkukuh ekosistem penyelidikan di UTeM, memastikan universiti menjadi peneraju dalam penyelidikan inovatif dan berimpak tinggi. Dengan menggalakkan penyelidikan yang relevan dengan keperluan industri, UTeM bukan sahaja memacu kecemerlangan akademik tetapi juga meningkatkan daya saing ekonomi melalui inovasi dan komersialisasi produk penyelidikan.

UTeM memperkenalkan beberapa inisiatif penting untuk menjayakan teras ini. Antaranya ialah menggalakkan kolaborasi penyelidikan dengan pihak industri tempatan dan antarabangsa melalui penglibatan staf dalam program bersama industri dan juga pendanaan melalui geran penyelidikan dan padanan industri. Selain itu, universiti memberi sokongan penuh kepada proses pengkomersialan produk penyelidikan, termasuk pendaftaran paten dan pengembangan teknologi baru yang boleh dipasarkan. Keusahawanan turut menjadi komponen utama dalam teras ini, di mana UTeM menekankan pembangunan semangat keusahawanan dalam kalangan pelajar dan penyelidik.

UTeM juga memperkasakan anak syarikat universiti iaitu UTeM Holdings Sdn. Bhd. dengan memperkemas tadbir urus syarikat selain meningkatkan pendapatan tahunan syarikat dan subsidiari. Penubuhan syarikat sampingan (spin-off) juga dicadangkan sebagai sumber alternatif bagi mengurangkan risiko kepada syarikat Universiti.



Kelopak pending kesuma dara,
Songket bertekak untaian cinta;
Usaha diganding membangun negara,
Memupuk bakat TVET Jelita.

Songket tanjak belah mumbang,
Destar puspita tengkolok biru;
Melangkah bijak rancak berkembang,
TVET Jelita orientasi baharu.

Pengantin berjamu berbagai juadah,
Berkain sarung bersanggul lintang;
Jajaran ilmu TVET didedah;
Cabaran diharung membelah rintang.

Bersilat pencak panglima di anjung,
Petua diajar membela diri;
Ekonomi dirancak aspirasi disanjung,
TVET diajar kejayaan dicari.





Panglima sasa memakai tanjak.
 Capal meelas bertali belati;
 Teknologi diperkasa TVET dianjak,
 Ilmuwan ikhlas menabur bakti.

Penglipur lara ke Kota Gelanggi,
 Gua jiwa narwastu cinta;
 Pentas bicara wacana teknologi,
 Semangat wibawa inovasi dicipta.

Azan bergema merdu seruan,
 Zikir munajat penguat iman;
 TVET jenama kini rebutan;
 Kejayaan sejagat genggam impian.

Indah alunan zikir Mathurat,
 Sinar nirmala mutiara minda;
 Misi sasaran generasi teknokrat,
 Akademia nusa cerlang persada.

- Forum TVET Wanita 2023 (24.8.2023)
 - Majlis Perasmian TVET Wanita (3.8.2023)



Tengkolok dipakai anak pengeran,
 Songket setangan tampak sesuai;
 Kajian dirungkai mendapatkan geran,
 Hasil penyelidikan kejayaan dituai.

Kuntum kesuma si kuntum telang,
 Disusun berselang menyeri taman;
 Inovasi dijelma kejayaan dijulang,
 UTeM gemilang sepanjang zaman.

Keris bersepuh besi tembaga,
 berlapis warna jadi hitungan;
 Cabaran ditempuh kejayaan dibangga,
 Pendapatan dijana raih keuntungan.

Tumbuk lada bersampir gading,
 Runcing badik anta bertuah;
 Karnival agenda tiada tanding,
 Hebat pendidik keringat diperah.





Langgam tradisi warisan lama,
Gandik tempawan sinaran citra;
Teknologi diinovasi seiring jenama,
Industri mampan bangun negara.

Hebat aksi seni belati,
Tuhan kurnia bukan kepalang,
Tingkat prestasi ilmuwan sejati,
Tawan dunia rai gemilang.

Melangit tinggi aura keramat,
Sufi pahlawan pencak serasi;
Dominasi teknologi jitu matlamat,
Perkasa ilmuwan hebat inovasi.

Terang lentera seri adika,
Sinaran dhuha pelita akhirat;
Resolusi negara bangsa merdeka,
Tuntas usaha maksima kudrat.



- Sesi Libat Urus TYT Tun Canselor UTeM bagi Pembentangan Projek Penyelidikan (6.2.2023)
- Karnival STEM Peringkat Kebangsaan (27.9.2023)



Sebekas padi mari dimasak,
 Buat bekalan pergi menuai;
 Ilmu dan budi sama dipasak,
 Kelak kejayaan sama dituai.

Memotong samping berbenang perak,
 Penuh teliti busana digubah;
 Masyarakat didamping teknologi diarak,
 Semangat jati kejayaan ditempah.

Sulam tekat warisan zaman,
 Penyeri pahar adat tradisi;
 Inovasi bakat garap kemahiran,
 Wijaya dilakar seiring visi.

Segar mewangi bunga kesidang,
 Meliuk lentuk semerbak haruman;
 Teknologi tinggi tujuh bidang,
 Pengkomersialan produk padu taruhan.





Citra intelektual kuat spiritual,
Wahana alami ledakan maya;
Inovasi teknikal bitara komersial,
Memacu ekonomi bangsa berjaya.


Larikan mangsi pena menari,
Lagam rentak cetusan sunni;
Jaringan kolaborasi erat industri,
Bina gagasan wangsa madani.



Sketsa biasan langit dunia,
Ceritera jiwa serbak setanggi;
Aspirasi insan hebat akademik,
Cerlang wibawa teraju teknologi.

Sampan mudik tepi muara,
Tali ditambah hujung jambatan;
Hebat penyelidik cipta juara,
Serlah bakat idea dinobatkan.

- Majlis Perasmian RICE Melaka @ UTeM dan Pelancaran Bank Inovasi Melaka (13.10.2023)
- Majlis Perasmian Smart Hydrobike Melestarikan Sungai Melaka di Perbadanan Pembangunan Sungai dan Pantai Melaka (PPSPM) (11.12.2023)



Pencak silat sanjungan Melayu,
Keris pusaka zaman berzaman;
Ilmu ibarat mekar tak layu,
Sumber pustaka insan budiman.

Gutingan awan tamsilan madah,
Awan Melayu mencuit rasa;
Karya ilmuwan budaya indah,
Suluhan ilmu atma bangsa.

Songket merah kesuma idamkan,
Hati tertambat pandang tak jemu;
Naskah ilmiah mangsi coretkan,
Cendekia hebat raikan ilmu,

Tenunan seni cantik berseri,
Terbang nipis perada kencana;
Sitir nurani ilham bestari,
Tinta magis kalam sarjana.



Telepek warisan jingga kuini,
Selendang kasa bersulam lebat;
Pelopori penulisan teknologi terkini,
Cemerlang wangsa ilmu dinobat.

Gubahan hadiah halus kelingkan,
Tampak selesa berona merah;
Rekayasa ilmiah kreatif ditampilkan,
Cendekiawan nusa pantang menyerah.

Seni tenunan adikarya terkenal,
Hias permata elok gandingan;
Aksara susunan ceritera teknikal.
Mutiara kata kitab sanjungan.

Raikan tamu tepak dijulung,
Sopan bahasa santun terbilang;
Gapura ilmu cipta cemerlang;
Peneraju bangsa ke puncak gemilang.



- Taklimat Geran Penyelidikan Buku Ilmiah Tahun 2023
- Hari Terbuka Penerbit UTeM 2024 (25.10.2024)
- Program Bicara Buku Sepanjang Tahun 2023 & 2024



Beras segantang sudah disukat,
 Dalam bejana di atas para;
 Invosi ditatang membuah berkat,
 Hasil dijana negara sejahtera.

Adat Papatih jadi ikutan,
 Sekian lama tersemat dihati;
 Mahasiswa terlatih jadi rebutan,
 MOSTI bersama menyumbang bakti.

Busana batik celupan lilin,
 Molek diaçu arjuna melirik;
 Hubungan baik elok terjalin,
 TVET dipacu ramai tertarik.

Batik selumu hijau celupan,
 Kebaya Peranakan eloklah lagi;
 Lonjakan ilmu TVET mampan,
 Cakna penyelidikan utuh strategi.





Sungguh tinggi pohon cemara,
Kukuh akar buahnya lebat;
Melonjak teknologi di puncak menara,
Gandingan pakar hasilnya hebat.


Makan pepaya di atas bahtera,
Sambil memukat anak sembilang;
Berbilang budaya hidup sejahtera,
Kesusilaan diangkat Malaysia gemilang.

Cincin dijanji pengikat tanda,
Sirih junjung letak di raga;
Penyelidik pengkaji berpisah tiada,
Pameran menyanjung paduan tenaga.

Gapura indah tanda mercu,
Gerbang energi seteguh paksi;
Teknologi terarah industri dipacu,
Perkasa sinergi pintar kolaborasi.



- Mesyuarat Post Exco Sains, Teknologi, Inovasi dan Komunikasi Digital
Bilangan 3/2024 (9.5.2024)
- Program Jerayawara Skim Dana R&D MOSTI (5.8.2024)



اوبومر سیتی سک
Ragam rawa coraknya kawi,
Damba adinda nian kirana;
Semarak jiwa demi pertiwi,
Sakti minda nan bijaksana.

Astaka gilang cangkir bersulang,
Terbang tinggi melakar impian;
Cipta cemerlang masyhur terbilang,
Evolusi teknologi misi idaman.

Aura dimensi menerobos galaksi;
Gugusan biduk bintang berseri;
Memangkin teknologi gilap potensi,
Komersial produk sinergi industri.

Bima sakti fitrah galaksi,
Nebula saksi evolusi ligat;
Pelopori inovasi merentas dimensi,
Peneraju revolusi industria sejagat.



Lawatan
PRO CANSOLOR UTeM
 Tan Sri Abdul Rashid Hussain
 ke
**KOMPLEKS PENYELIDIKAN DAN
 INOVASI UTeM**

▲ 6 OGOS 2024 (SELASA)
 ▲ 2.30 PETANG



Kemilau samudera biru hampan,
 Sinar lazuardi cahaya indah;
 Teknologis negara wira ilmuwan,
 Ilham abadi semangat ibadah.

Sukma tari hijab puisi,
 Ilham dipintal atma luahkan;
 Mandat diberi zahir aspirasi,
 Semangat kental serlah keunikan.

Tampuk jiwa pasak dijulang,
 Sitir tanzilan kelopak afiat;
 Gagahi siswa tuju gemilang,
 Realisasi impian istiqamah niat.

Kesemak warna jingga menawan,
 Kelingkan kaca tampak manis;
 Trampil bijaksana kreatif ilmuwan,
 Bijak sarjana hindari antogonis.



- Lawatan Pro Canselor ke Kompleks Penyelidikan dan Inovasi (6.8.2024)



UNIVERSITI TEKNIKAL MALAYSIA MELAKA

ACTIVE SPORTS

UTeM

اويومر سیتی تکنیکل ملایسا ملاک

UNIVERSITI TEKNIKAL MALAYSIA MELAKA



Menjuarai KHIDMAT INSANI, MENGUNDANG KESEJAHTERAAN

Teras strategik ketiga menekankan peranan UTeM dalam membangunkan modal insan yang seimbang antara kemahiran teknikal dan tanggungjawab sosial. UTeM bukan sahaja komited dalam melahirkan graduan yang cemerlang dalam bidang akademik, tetapi juga individu yang berwibawa dalam memberikan sumbangan kepada masyarakat.

Melalui teras ini, pelajar didedahkan kepada 8 Dimensi TUAH bagi memperkasakan aktiviti pelajar yang holistik, seimbang dan cemerlang demi mewujudkan kesejahteraan kampus. Indeks Kompetensi TUAH pula dibangunkan bagi memberi fokus kepada 'Kemenjadian Pelajar & Mahasiswa' bagi melahirkan graduan yang berkemahiran dan holistik seterusnya meningkatkan peratus kebolehpasaran graduan.

UTeM juga memperkenalkan pelbagai program khidmat bakti yang melibatkan staf dan pelajar dalam usaha pembangunan komuniti dalam memberi manfaat kepada masyarakat serta memupuk rasa empati dan keprihatinan dalam kalangan pelajar. Program tersebut dapat menjadikan mereka individu yang lebih berdaya saing dan bertanggungjawab.

Selain itu, UTeM turut memperkasa kebajikan warga Universiti dengan menyediakan Pelan Kebajikan Staf yang komprehensif. Dengan menjuarai khidmat insani, UTeM berharap untuk mengundang kesejahteraan kepada pelajar dan masyarakat, selaras dengan matlamat pendidikan tinggi yang holistik dan inklusif.



Hinggap rerama di kuntum melor,
Menghirup madu kepalang manis;
Brisk walk bersama Tun Canselor,
Melakar syahdu kenangan manis.

Minum bersama teh daun kelor,
Duduk berehat menjamu keria;
Brisk walk bersama Tun Canselor,
Jasmani sihat minda ceria.

Hiasan merak tampak mewah,
Emas aruda indah tersemat;
Langkah berarak menyatu ukhuwah,
Cerdas minda menderas matlamat.

Sinar rembulan bintang bersaksi,
Menyuluh cemani cahaya gilang;
Seiring sejalan semarak visi,
Memacu insani persada cerlang.



Bola disepak penuh strategi,
Lawan terleka menang diulang;
Liga bola sepak kembali lagi,
Piala TYT tradisi gemilang.

Pemain mahir handal beraksi,
Bola disepak jangan terleka;
Perlawanan akhir menjadi saksi,
Liga bola sepak TYT Melaka.

Jauh berjalan luas pemandangan,
Dari utara sampai ke selatan;
Bertemu ilmuwan kukuhkan jaringan,
UTeM mara terus ke hadapan.

Ampuh candrasa bertatah delima,
Perwira ranggi darjat diulang;
UTeM perkasa langkah berkarisma,
Atur strategi masyhur terbilang.



- UTeM Eco Fit Brisk Walk Bersama Tun Canselor UTeM (15.1.2023)
- Program Brisk Walk Tahun 2023 & 2024
- Perlawanan Akhir Liga Bola Sepak Governor Cup Melaka 2022 (25.1.2023)
- Majlis Le Tour de IPT (25.1.2023) (16 hingga 20.6.2023)



Menjala ikan dapat gelama,
Bekal dibawa di dalam guni;
Semarak sukan unggul karisma,
Membina mahasiswa tangkas berani.

Ke Tanah Merah rumahnya Tok Wan,
Bawakan pengat pemanis selera;
Pantang menyerah sebelum berlawan,
Semarakkan semangat jiwa perwira.

Utuh semangat pantang menyerah,
Lawan dan rakan pasti bersua;
Berhujan keringat tenaga dikerah,
Karnival sukan MASUM fasa dua.

Handal pahlawan bermain pedang,
Pedang bergagang pusaka warisan;
Biar berlawan di tengah padang,
Di luar gelanggang menjadi kawan.





Pohon merbah utuhnya kayu,
Rotan dikerat susun bersilang;
Ke negeri Sabah di bawah bayu,
Tekad hasrat UTeM cemerlang.

Dulang paha gubahan melati,
Emas bitara bawa beringat;
Serumpun usaha bersatu hati,
SUKUM acara memburu pingat.

Pancing ikan bertali tangsi,
Penat berehat pastikan selamat;
Cemerlang sukan tingkat prestasi,
Budaya sihat utuh matlamat.

Teluk sengat muatan sarat,
Akar lokan dulang suasa;
Kilauan pingat seiring hasrat,
Bina pasukan pejuang bangsa.



- Majlis Perasmian Sukan Antara Fakulti (SAF Ke-17) UTeM (16.11.2023)
- Perasmian Perkampungan Karnival Sukan MASUM Fasa II, 2023 (23.8.2023)
- Penutupan Karnival Sukan MASUM FASA II, 2023 Kolej Kediaman Satria (30.8.2023)
- Kejohanan SUKUM ke-45 Tahun 2024 di Sabah (8 hingga 17.8.2024)



اوڤومر سڤتڤي سڤكنڤك مڤسڤا مڤرڤا

Padi dituai diikat-ikat,
Serkap haruan si ikan keli;
Zakat ditunai mencari berkat,
Menjunjung seruan perintah Illahi.

Talam koci tepung pelita,
Kuih tradisi turun temurun;
Zakat menyuci menyubur harta,
Kemiskinan diatasi ekonomi membangun.

Pisang sesikat sebakul kelor,
Beli di pasar di pekan Bemban;
Dana zakat Yayasan Canselor,
Membantu pelajar ringankan beban.

Melaka aman negerinya sentosa,
Rakyat bahagia kurnia dari-Nya;
Harta pinjaman Yang Maha Esa,
Infaqkan ia sebaik-baiknya.



Apa guna jauh merantau,
Mencari ilmu bekalan diri;
Apa guna harta sepulau,
Sakit bertamu merana diri.

Tenangnyanya hidup hamba yang taat,
Menjunjung syariat aturan Allah;
Budayakan hidup secara sihat,
Mengelak mudarat memakan diri.

Daun selasih buah pulasan,
Bawa ke pasar singgah di kuala;
Erat kasih membela insan,
Jiwa tersasar dirawat semula.

Berarak awan membawa pesan,
Terbang helang megah teraju;
Bina ilmuwan perkasa wawasan,
Insan terbilang negaraku maju.

- Majlis Penyerahan Baucar Buku dan Tajaan Anak Emas Yayasan Canselor UTeM (25.10.2024)
- Program Sambutan Hari Aids Sedunia Peringkat Negeri Melaka 2023 (1.12.2023)



Jika hidup tiada haluan,
Ibarat kapal tanpa layar;
Iman dihirup jadikan panduan,
Harga termahal tidak terbayar.

Cantik tembikar buatan seramik,
Letak di para hiasan tamu;
Pendaftaran pelajar sesi akademik,
Bermula kembara menimba ilmu.

Tanjung Tuan ke Sungai Jawi,
Jalan berkabus simpang berliku;
Minggu Haluan Siswa dan Siswi,
Kenali kampus lubuknya ilmu.

Kalau berguru kepalang ajar,
Bagai bunga kembang tak jadi;
Medan ilmu wajar dikejar,
Masuk ke telinga lekat di hati.





Makan beradab di Pantai Siring,
Raikan puteri raja sehari;
Ilmu dan adab sama seiring,
Kelak menjadi insan terpuji.

Sungguh mahir menempa besi,
Tajam parang ampuhnya garan;
TUAH dizahir jana inovasi,
TVET dijulang jadi sandaran.

Pohon tumu di Tanjung Rawa,
Buah pulasan si buah kepaya;
Medan ilmu tingkat wibawa,
Lahir insan gapai kerjaya.

Kuntum melati hiasan puteri,
Biru terlang sulaman di renda;
Tetapkan hati perteguh diri,
Cipta cemerlang banggakan bonda.



- Minggu Haluan Siswa (MHS Sesi 2023/2024) (2 hingga 6.10.2023)

- Hari Pendaftaran Pelajar Baharu Program Diploma Kemasyarakatan Sesi Akademik 2023/2024 (31.7.2023)



Ilmu dan adab samalah penting,
Iman dan amal jadi perisai;
Belajar beradab ke menara gading,
Penuh bekal bakti disemai.

Menampal setem di sampul kertas,
Untuk kenalan jauh di perantauan;
Konvo UTeM ke sembilan belas,
Marai kejayaan para graduan.

Jala ditebar di lautan biru,
Ombak mendesah ke laut dalam;
Selautan sabar menuntut ilmu,
Segulung ijazah kini digenggam.

Adat berkawan biarlah ramai,
Adat bergaya poketnya kopak;
Meriah sambutan Aram Rumamai,
Mempromosikan budaya Sabah Sarawak.



Raut rotan di Tanjung Rawa,
Adunkan cara jadi kerusi;
Berentap pasukan semua siswa,
Dinobat juara usahawan inovasi.


Adat berniaga untung dan rugi,
Jujur diajar mengundang berkat;
Galakan berniaga hadiah diberi,
Kepada pelajar pemula syarikat.

Pakai kebaya warisan tradisi,
Berbunga sama corak sekata;
Pameran kerjaya beri inspirasi,
Menempa nama menggapai cita.

Emas berdulang ke Tanjung Tuan,
Saduran besi mesra diadun;
Graduan terbilang menjadi buruan,
Cipta Solusi mencorak tamadun.



- Pesta Konvo TUAH Ke-19 UTm (3.11.2023)
- Program Aram Rumamai Arts & Culture Festival| 2023 (1.12.2023)
- National Micro Pitching Competition 2022 (13 & 14.5.2023)
- National Aspire Career Fair UTm X My Future Jobs 2023 (30 & 31.5.2023)



Ilmu pelita suluh kehidupan,
Cahaya hilang hati tak senang;
Revolusi dicipta memacu ke hadapan,
UTeM cemerlang mencipta gemilang.

Busana tradisional corak mengiring,
Pakai kenduri di Bandar Hilir;
Teknikal vokasional dipacu seiring,
Revolusi industri tenaga mahir.

Al-Quran panduan kalam Tuhan,
Tinggalan Rasul bukan sebarang;
Apresiasi graduan berkebolehan,
Tangkas unggul pelbagai bidang.

Bintang berpaksi petunjuk haluan,
Malam menyaksi gelap di hutan;
Majlis apresiasi raikan graduan,
Pemangkin generasi adaptif mampan.





Tali dipintal mengikat celana,
Pohon belimbing bertongkat besi;
Usahawan digital program direncana,
Asnaf dibimbing kembangkan potensi.

Badai tsunami menggegar bumi,
Mengundang insaf hati yang gering;
Tingkatkan ekonomi miskin dibasmi,
Usahawan digital berdaya saing.

Pohon cerakin pohon cemara,
Akar jejawi mengutuh bumi;
Teknokrat pemangkin wawasan negara,
Membela pertwi makmur ekonomi.

Hidang manisan buat tetamu,
Bunga telang kuntum berlapang;
Modal insan graduan berilmu,
TVET cemerlang negara mapan.



- Majlis Apresiasi Kebolehpasaran Graduan (GE) UTeM Tahun 2022 (31.1.2024)
- Majlis Pelancaran Program Digital Entrepreneurship Digital (DEA) (12.5.2024)



Cahaya purnama halaman rumah,
Benang suasa simpan di peti;
Lentur atma penuh berhikmah,
Adiwira bangsa mencurah bakti.

Sayang selasih akar udani,
Seguni padi bawalah cermat;
Serumpun kasih mesra harmoni,
Semarak budi tangkas berkhidmat.

Tampak mewah hiasan sang ratu,
Rambut tersikat anggun terikat;
Erät ukhuwah bersama bersatu,
Santuni masyarakat bawa berkat.

Pohon kemumu batang keladi,
Buah nona dimakan orang;
Sanjung ilmu menyiram budi,
Cemerlang sarjana ibunda girang.





Pauh setandan dibuat halwa,
Simpan cermat di dalam peti;
Marhaban Ramadan sucikan jiwa
Syukuri nikmat STEM berbakti

Permai desa hamparan padi
Merdu irama di halaman rumah;
Teraju bangsa luhur berbudi,
Teguh atma penuh berhikmah.

Cahaya redup langit nan jelah,
Bunga di taman indah hiasan;
Resam hidup kadang tersalah,
Perkukuh iman perbaharu landasan.

Alunan nazam gemeresik rasa,
Afiat Imani sukma cerlang;
Tekad iltizam makmurkan bangsa,
Jalinan harmoni UTeM terbilang.



- Malaysia University Volunteer Convention (UNIVC) (5 hingga 7.3.2024)
- Program Sambutan Peringatan Hari Antidadah Peringkat Negeri Melaka (28.6.2024)
- Program Jalinan Holistik Alumni UTeM Zon Tengah (3.2.2024)



eml
 رينور سيتي
 MALAYSIA MELAKA

Emas sepukal hantaran bersaksi,
 Datang bertamu di balai istana;
 Ilmuwan teknikal menggapai visi,
 Masyhur ilmu terbilang persona.

Mekar seroja menjadi hiasan,
 Cantik melati gubahan berseni;
 Lawatan kerja bersatu wawasan,
 Utuh fasiliti siswa harmoni.

Ampuh pedang waizuri tampan,
 Tangkas beraksi tiada sangkal;
 Tuan bertandang ribuan harapan,
 Menyusun misi perkasa teknikal.

Batang kemumu kelapa setandan,
 Masak manisan menambah selera;
 Mencari ilmu tiada sempadan,
 Lahir insan harapan negara.



Sedap rasa buah bidara,
Daun rerama bunga telang;
Bina bangsa makmurkan negara,
Syumul atma pertiwi gemilang.

Alunan gending bersulam nazam,
Menusuk jiwa hati sang puteri;
Menara gading bersatu iltizam,
Serlah wibawa sarjana bestari.

Terbang helang ke pohon cemara,
Terang purnama bintang bersaksi;
Alumni cemerlang memacu negara,
Erat kerjasama teguh legasi.

Merah rambutan di tengah laman,
Tepian anjung mekar melati;
Semarak ikatan graduan budiman,
UTeM disanjung terus berbakti.

- Lawatan Kerja YB Menteri Pendidikan Tinggi ke UTeM (Majlis Serahan Bas UTeM, Majlis Berbuka Puasa & Program Kebajikan Pelajar UTeM) (2.4.2024)
- Hari Pendaftaran Pelajar Baharu (Diploma) Sesi 2024/2025 (22.7.2024)



UTeM

اوپنورسیتی تکنیکل ملیسا

UNIVERSITI TEKNIKAL MALAYSIA MELAKA

UNIVERSITI TEKNIKAL MALAYSIA MELAKA

MUGANI

Mencetuskan EKOSISTEM RANCAK, MELESTARIKAN UNIVERSITI

Teras strategik keempat memberi fokus kepada penciptaan ekosistem yang kondusif untuk pembelajaran, penyelidikan, dan inovasi di UTeM, dengan matlamat memastikan kelangsungan universiti sebagai sebuah institusi yang lestari. UTeM memperkenalkan Ilmuwan Teknikal (Technical Scholar) yang mempunyai pengetahuan akademik dan pengalaman relevan dengan keperluan industri melalui peningkatan kompetensi staf yang cemerlang.

Melalui pelan penggantian yang komprehensif, UTeM dapat memastikan kelestarian bakat kepimpinan yang unggul serta membudayakan mentaliti kelas pertama dalam kalanganarganya. Kepakaran dan kemudahan yang terdapat di Universiti dapat dimanfaatkan dalam menyediakan perkhidmatan terbaik kepada warga dan masyarakat setempat.

UTeM juga komited dalam memastikan akses kepada infrastruktur dan infostruktur digital yang berpatutan, boleh dipercayai dan bersepadu merangkumi ketersediaan rangkaian dan memperkukuhkan liputan di seluruh kampus. Selain itu, pewujudan Kampus sejahtera dapat dipastikan melalui sistem tadbir urus yang boleh dipercayai, mampan dan mesra. Indeks Kampus Sejahtera dapat dicapai melalui penyelenggaraan dan operasi yang dinamik, persekitaran kampus yang selamat dan terjamin serta perkhidmatan pengangkutan yang berkesan.




Menuju rimba bekal dibawa,
Memasang jermal buat menjala;
Ramadan tiba menyuci jiwa,
Tawaduk beramal mengumpul pahala.

Atas pelantar bersimpuh rombongan,
Debar menanti janji diikat;
Bersama iftar erat hubungan,
Bersatu hati beroleh berkat.

Rehat sebentar nikmati tembosa,
Berseloka pantun riu suasana;
Mulianya iftar meruntuh dosa,
Keberangkatan Tun majlis sempurna.



Hidang empulur bersama zaitun,
Coret watikah tanda setuju;
Sumbangan dihulur warga disantun,
Hidup berkah Firdausi dituju.



Cincin di jari ikatan termeterai,
 Seluruh sukma bersaksi cinta;
 Mahabbah Aidilfitri tulus dirai,
 Bermaafan bersama hapus sengketa.

Saling berganti menahan joran,
 Di tepi sawah bermandi telaga;
 Setulus hati menyambut lebaran,
 Terjalin ukhuwah santuni warga.

Awal pagi ke Tasik Raban,
 Singgah makan bersama suri;
 Saling berbagi laksana korban,
 Raih kebaikan nikmat disyukuri.

Tepi limban menunggu ratu,
 Sopan tingkah lembut santunan;
 Hikmah korban ummah bersatu,
 Hidup berkah sulur keimanan.



- Majlis Iftar Bersama Tun Canselor (14.2.2023)
 - Majlis Sambutan Aidilfitri UTeM (11.2.2023)



Bunga rampai harum aroma,
Duduk geligi teruna bersaksi;
Amanat disampaikan sambut bersama,
Perkasa strategi menjunjung misi.



Dari Melor ke Kuala Linggi,
Tunggu tetangga di tepi jeti;
Naib Canselor mengatur strategi,
Seluruh warga tekad berbakti.

Sutera merah buat biduanita,
Sungguh terpesona cantik berkebaya;
Julang anugerah bersaksi mata,
Keringat bermakna berbaloi upaya.

Ambil seulas limau kedangsa,
Manis sungguh tidak terkata;
Amanah digalas ikhlas berjasa,
Berpasak teguh meruah cita.





Memetik melur di tepi titi,
Hidang tembosa jamu putera;
Anugerah dihulur tanda berbakti,
Ikhlas berjasa menyubur negara.

Langit lazuardi menghias paksi,
Indah panorama syukuri kurnia;
Sanjungan budi menyambung legasi,
Melonjak nama ke persada dunia.

Menyemat janji melakar tinta,
Atas anjung mengungkap bicara;
Mengibar panji menyemat cinta,
Bumi disanjung aman sejahtera.

Kalung azimat bertatah mutiara,
Seri dara seluruh inderaloka;
Laungan keramat bergema membara,
Hayati perwira jiwa merdeka.



- Majlis Amanat Naib Canselor 2023 (22.2.2023)
- Majlis Anugerah APC, AJB & Pelancaran Bulan Kemerdekaan UTaM (10.8.2023)



Hati kental terus berjalan,
Tajamnya duri menikam kaki;
Koleksi digital tujuh pangkalan,
Akses diberi maklumat ditakluki.

Duduk bertamu bersama adinda,
Inai di jari merafak cinta;
Serambi ilmu pemangkin nak muda,
Generasi bestari semarak cita.

Menahan pukot bersama si sulung,
Singgah berhenti di Pohon Remnia;
Serlah bakat peribadi ulung,
Lonjak universiti mercu dunia.

Petik melur di celah rimbunan,
Leka gusti membuat kalungan,
Bantuan dihulur ringankan beban,
Secubit bakti jadi kenangan.



Masak kuini di hujung perdu,
Bekal tetamu ke Kuala Linggi;
Khidmat insani sentiasa dipadu,
Jasa baktimu disanjung tinggi.

Sesuai mandi duduk di tangga,
Menunggu besan memikul rotan;
Tautan budi seluruh warga,
Menzahir ihsan mesra ikatan.

Menyusun logam dalam wadah,
Berat berkati lesu membawa;
Bangunan tersergam binaan indah,
Menyulam bakti menyuntik jiwa.

Jangan berduka asyik mengenang,
Tidakkan putus air dicancang;
Fakulti dibuka ilmu dicanang,
Idea dicetus kejayaan dipancang.



- Majlis Perasmian Serambi Ilmu Rakyat Corner dan Penyerahan Bantuan Awal Pengajian Yayasan Bank Rakyat (27.1.2023)
- Majlis Penyerahan Bangunan Baharu FTKM (7.6.2023)



Sambut pahlawan beriring bangsa,
Riuh astana duduk berjamu;
Forum ilmuwan wadah interaksi,
Mengumpul sarjana memberkas ilmu.

Laju puteri meniti batas,
Menanti aksi pemuda tampan;
Pakar industri bicara tuntas,
Kupasan diskusi gapai harapan.

Harung bengawan melengkap misi,
Mandi telaga nyaman terasa;
Gagas ilmuwan menyambung legasi,
Mengilham warga membina nusa.

Berkilau puteri dikalung berlian,
Berkurung Kedah sopan beraksi;
Cabaran industri tunjang perkongsian,
Intelektual berwadah gapai aspirasi.





Tampak berseri harum mewangi,
 Berdua serasi hati berkenan;
 Revolusi industri tekad harungi,
 Cetus transformasi negara mapan.

Meniup bangsi sambut puteri,
 Kibar belacu bercap mohor;
 Pengalaman dikongsi minda lestari,
 Transformasi dipacu UTeM tersohor.

Bawa calung menuju perigi,
 Hati gembira terima kurnia;
 Teknologi ulung utuh bersinergi,
 Impian bitara membina dunia.

Hitam ikal lembut mengurai,
 Suntik emosi teruna menyaksi;
 Ilmu mekanikal teguh dikuasai,
 Cipta inovasi menggapdi visi.

- Chairman Lecture Series: Industrial Experience Reality - Siri 1' (25.7.2023)
- Chairman Lecture Series: Industrial Experience Reality - Siri 2' (28.8.2023)
- Chairman Lecture Series: Industrial Experience Reality - Siri 3' (26.9.2023)
- Chairman Lecture Series: Industrial Experience Reality - Siri 4' (25.10.2023)



Mencari helah menangkap lokan,
Menunggu redup pergi memukat;
Suruhan Allah segera lakukan,
Moga hidup senantiasa berkat;

Subuh sunyi melantun siulan,
Mencari jalan tempat teduhan;
Derma sembunyi sedekah amalan,
Tingkat amalan tuntutan Tuhan.

Bunga disemat cantik berdandan,
Duduk bersaksi lafaz kalimah;
Syukūri nikmat merahmati Ramadan,
Rezeki dikongsi menyatu ummah.

Sejambak dahlia bersilih kekwa,
Buat si wangsa yang bijaksana;
Ramadan mulia mendidik jiwa,
Barakah puasa ibadah sempurna.





Usah jeri mengundang walimah,
Ribut taufan tetapnya berakad;
Mahabbah Aidilfitri tautan ummah,
Bermaaf-maafan kasih bertekad.

Duduk beramai mengupas halia,
Lauk sekawah buat jemputan;
Aidilfitri semai mahabbah mulia,
Mengikat ukhuwah terjalin ikatan.

Lama berdandan pikat teruna,
Sekuntum kekwa sebagai pengganti;
Ambang Ramadan penantian bermakna,
Melentur jiwa mensuci hati.

Perigi ditimba di tepi paya,
Menunggu bonda memetik kaduk;
Ramadan tiba membawa cahaya,
Ibadah diganda penuh tawaduk.



- Majelis Iftar Bersama Tun Canselor (28.3.2024)
- Majelis Mahabbah Aidilfitri UTeM 1445H/2024 (6.5.2024)
- Majelis Perasmian Ambang Ramadan (7.3.2024)



Menanak nasi untuk santapan,
Petik geti di tepi perigi;
Amanat dikongsi penuh harapan,
Memacu universiti unggul teknologi.

Gerak berpumpun di tepi paya,
Ajak berunding seluruh pemuda;
Warga dihimpun menyatu daya,
Usaha berganding menjulang agenda.

Gagah laksana peluh keringat,
Ligat aksi beriring hulubalang;
Hasrat bermakna menyatu semangat,
Cakna globalisasi citra gemilang.

Menanak nasi buat bertamu,
Menatang dulang beradap sopan;
Menjajar aspirasi lestari ilmu,
Impak cemerlang kecapi harapan.





Kapal pencalang dari nusantara,
Bawa azimat singgah bersanggeraha;
Anugerah cemerlang iktiraf juara,
Membalas khidmat budi usaha.

Makna tersirat luahan hati,
Lafaz cinta memohon kurnia;
Cerlang kudrat ikhlas berbakti,
Lonjak takhta ke persada dunia.

Atur laluan menuju kota,
Langkah cermat seakan jaguh;
Budi tuan tak ternilai harta,
Dedikasi berkhidmat jujur nan teguh.

Cincin suasa cantik tersemat,
Setia di sisi gengam pendawa;
Menabur jasa setia berkhidmat,
Makmur organisasi sepenuh jiwa.



- Majlis Amanat Naib Canselor Tahun 2024 (26.1.2024)
- Majlis Anugerah Perkhidmatan Cemerlang & Anugerah Sanjungan Universiti (5.6.2024)

Seminar Marga Sakinah



Tertusuk panah melindung gusti,
Mengota kata nyawa berkalang;
Keluarga sakinah dambaan hati,
Meruah cinta bahagia dijulang.

Bekal kelasi buat kembara,
Daun selasih dibuat ulam;
Ilmu dikongsi pedoman sejahtera,
Menjalin kasih bertaut salam.

Tampan geliga tuanlah seyogia,
Tiada tara sentero buana;
Rumah tangga kekal bahagia,
Harmoni gembira ikatan terbina.

Putih bersih halus berseni,
Silih berganti mengukir ukiran;
Limpahan kasih sinari nurani,
Sayang sejati elak bercaran.





Lenggok tari berbait nazam,
Terubat rindu melerai cinta;
Ikrar dipateri menyemat azam,
Komitmen padu membina cita.

Menggoreng lumi buat hidangan,
Bingka keladi untuk kesuma;
Ukhuwah bersemi taut hubungan,
Menzahir budi makmur bersama.

Sarung gelang buat hiasan,
Secalut celak menambah seri;
Aspirasi dijulang pacu wawasan,
Cerlang akhlak ilmu dicari.



Gurau tawa bersama taulan,
Atas mengkuang menghimpun cerita;
Mencorak jiwa matlamat sejalan,
Kemilau juang mengota cita.

- Seminar Keluarga Sakinah Siri 9 (27.6.2024)
- Program UTeM Terbilang 2.0 (16.8.2024)
- Program Transformasi Minda Bil. 1/2024 (15 hingga 20.9.2024).



Kalam sirah coretan hikmah,
Helaian fadhilat nian maksimal;
Seruan ibadah penyatuan ummah,
Tajalli sirat iman dan amal.

Kitab Al-Quran pegangan aulia,
Pentas tilawah acara sanjungan;
Ibadah korban amalan mulia,
Kembara dakwah indah perjuangan.

Gadis desa duduk di laman,
Sibuk menyinsih anta sepeti;
Julangan jasa tuan budiman,
Tautan kasih sanjungan bakti.

Kilauan putih aslinya intan,
Berlian sejati berkelap pelangi;
Kalungan kasih tanda ingatan,
Pancaran pekerti semerbak mewangi.



Pohon ara disinari rembulan,
 Keliling puri berbayang jejawi;
 Aula bitara sanggar penaakulan,
 Laman lestari serambi maknawi.

Harum segar mawar hiasan,
 Malai suri bersunting ranggi;
 Misi memugar profesional insan,
 Lengkapi industri memacu teknologi.

Khasiat lemuni elok nikmat,
 Herba bertuah jangan kempunan;
 Rumah Alumni lambang entiti,
 Kekuatan ukhuwah erat jalinan.

Rawai pari di hujung titi,
 Angin terasa kuat menerjah;
 Teguh mandiri membangun universiti,
 Gagasan wangsa generasi bermaruah.



- Program Ibadah Korban Berkelompok UTeM 1445H/2024 (19.6.2024)
- Misi Kembara Persaudaraan Islam UTeM Kemboja (16 hingga 21.6.2024)
- Majlis Hi-Tea Sanjungan Budi, Lambaian Kasih Mantan Pro Canselor, Pengerusi dan Ahli/Ex-Officio Lembaga Pengarah UTeM (18.1.2024)
- Majlis Penyerahan Pejabat ACE dan Pecah Tanah Rumah Alumni (29.2.2024)



UTeM

UNIVERSITI TEKNIKAL MALAYSIA MELAKA
اوپنورسیتی تیکنیکل ملیسیا ملاک



Mengembangkan NILAI, MENGGAMIT KEMAKMURAN

Teras strategik kelima ini memberi tumpuan kepada pengembangan nilai-nilai teras UTeM selain membentuk kemakmuran melalui pengiktirafan dan penarafan, kerjasama antarabangsa, dan sumber kewangan. UTeM berhasrat untuk meningkatkan reputasinya di peringkat nasional dan antarabangsa dengan memperkukuh rangkaian global dan meningkatkan kedudukannya dalam penarafan universiti dunia. Melalui inisiatif-inisiatif strategik, UTeM ingin memastikan universiti terus berkembang dan diiktiraf sebagai pusat kecemerlangan teknikal di peringkat global.

Dalam usaha ini, UTeM melaksanakan strategi untuk mengukuhkan kerjasama dengan universiti dan industri luar negara melalui pendekatan Quadruple Helix, iaitu kerjasama antara akademik, kerajaan, industri, dan komuniti. Pendekatan ini membolehkan universiti memperluas jaringan kerjasama strategik dalam bidang penyelidikan, inovasi, dan latihan industri. Selain itu, UTeM juga memberi tumpuan kepada peningkatan kedudukannya dalam penarafan universiti antarabangsa seperti QS World University Rankings dan Times Higher Education melalui peningkatan kualiti pengajaran dan penyelidikan.

Teras ini turut menekankan kepentingan penjenamaan UTeM di peringkat global. UTeM berhasrat untuk meningkatkan keterlihatan melalui strategi pemasaran yang lebih agresif, termasuk penyertaan dalam persidangan dan pameran pendidikan antarabangsa.



Merengung ilham petunjuk menjelma,
 Berenang si teri menentang tsunami;
 Saling faham bekerja sama,
 Bangun industri tingkat ekonomi.

Laduni dijulang tempah mahligai,
 Nama yang satu kumohon berkat;
 Industri berbilang agensi berbagai,
 Saling membantu janji diikat.

Tepung segantang di tepi jenang,
 Dibuat pilus ramai berebut;
 KTMB datang niat memining,
 UTeM tulus ikatan disambut.

Semalu berduri tumbuh serumpun,
 Jangan diredah kumpai melata;
 Pentadbir negeri semua berhimpun,
 Menjadi wadah penyampai warta.



Cerlang mahkota umpama kejora,
 Simpanan bonda zaman berzaman;
 Gilap permata serlah bitara,
 Terangi minda suluh pedoman.

Bunga seroja kembang serumpun,
 Hinggap gangsar galak menari;
 Warga kerja duduk berhimpun,
 Amanat pembesar sama dengari,

Sulaman tekat hias kebaya,
 Cantik dipuji tuan puteri;
 Ilmuwan sepakat menuju jaya,
 Ikatan janji amanah terpateri.

Lenggok tari bersilang kaki,
 Lilitan bulang berkain rawa;
 Kunjung industri buka rezeki,
 UTeM terbilang pilihan siswa.



- Majlis Pertukaran Dokumen MoA, MoU dan Lol di antara UTeM dengan Agensi/Industri (15.2.2023)
- Majlis Perhimpunan Bulanan Pentadbiran Kerajaan Negeri Melaka Bagi Bulan Oktober 2023 serta Majlis Pertukaran Dokumen MoU UTeM dan KTMB (27.10.2023)



Dari Bengkalis redah samudera,
Teluk Ramunia tempat singgahan;
Tinta penulis bukan satira,
Iktiraf dunia anugerah Tuhan.

Berarak awan menepis sirna,
Mentari senja menuju malam;
Kumpul ilmuwan membuah cakna,
Rancang belanja terangi belam.

Selendang puteri berhias labuci,
Susun taju tepian tangga;
Dana lestari perlu perinci,
UTeM maju sejahtera warga.

Buluh lentur paluan nobat,
Gendang tingkah iringi takhta;
Gerak diatur salam berjabat,
Derap langkah seia sekata.

- UTeM Finance Seminar (UFIS 3.0) (27-28.2.2023)
- Bengkel Penjajaran SDG dan Pelan Strategik UTeM 2023-2025 (20-22.7.2023)
- Pengindeksan Buku Clarivate Analytics di Pangkalan Data Web of Science
- Peluncuran Buku Terbitan UTeM di Konsulat Jeneral Malaysia di Frankfurt, Jerman (18.10.2023)
- Peluncuran Buku Terbitan UTeM Pesta Buku Antarabangsa Beijing, China (19.6.2024)





Menghias malai pengantin disikat,
Dipinang kerabat bijak berperi;
Ilmu dinilai taraf diangkat,
UTeM dinobatkan seluruh negeri.

Nahu dan saraf ilmu mengganjar,
Menaruh kalam atma penenang;
Semangat iktiraf TVET diajar,
Seluruh alam nama dicanang.

Hilang mentari berlalu Asar,
Panggil umat Maghrib menghuni;
Datang dari Tembok Besar,
Kunjung hormat kita santuni.

Maya ditinta sipohon jaha,
Bentuk melampai cabangnya azimat;
Seia sekata memohon usaha,
Untuk mencapai empunya matlamat.



Beliung pusar merentas malam,
Padi sawah teguh berdiri;
Tembok Besar menghulur salam,
Bertaut ukhuwah kekal lestari.

Pasang perangkat mengail haruan,
Lukah rotan diterjah sembilang;
Akreditasi lengkap jadi buruan,
Demi watan UTeM terbilang.

Pohonan lebat helang bertikir,
Menyorok balam celahan pilin;
Tangan berjabat senyum terukir,
Serata alam ukhuwah terjalin.

Tiupan bangsi alun tradisi,
Dayu menjelma seindah kurnia;
Rancang solusi gerakkan misi,
Tempa nama persada dunia.



- Sesi Jelajah MQA bersama PPT Zon Selatan (18.9.2023)
- Kunjungan Hormat dari Peking University ke UTeM (6.12.2023)



Cerlang mahkota umpama kejora,
Simpanan bonda zaman berzaman;
Gilap permata serlah bitara,
Terangi minda suluh pedoman.

Sutera cina dari seberang,
Belacu juga dibuat baju;
TVET berguna bukan sebarang,
Usaha tangga negara maju.

Anak dara memakai malai,
Intan sekelumit jatuh di sumur;
Daya citra kembangkan nilai,
Hujung menggamit erti Makmur.

Pergi berjamu membawa gelama,
Gulai sepat pula diganti;
Dengan ilmu dikongsi bersama,
Warga setempat dapat nikmati.





Ikan jelawat digoreng berlada,
 Buat sajian majlis di desa;
 Titip selawat ke atas Baginda,
 Segala pujian yang Maha Esa.

Mekar ansana pandang tak jemu,
 Kembang malam di atas raga;
 Buku laksana lautan ilmu,
 Harus menyelam mengutip mutiara.

Puput pawana di pinggir perigi,
 Lebat ramunia singgahan merbah;
 Citra sarjana dijulung tinggi,
 Rentas dunia ilmu bercambah.

Adun ramuan penawar bengkil,
 Racik selada jadikan ubat;
 Wadah ilmuwan naskah dinukil,
 Cetusan minda pemikir hebat.



- Wacana Kedaulatan Malaysia & Pelancaran Expo Buku Malaysia 2024 (20.6.2023)
- Seminar Peradaban Dunia Melayu Dunia Islam (3-4.8.2023)
- Majlis Tahlil & Selawat Perdana Dunia Melayu Dunia Islam (3.8.2023)



Menunggu matang buah pauh,
 Buah kuini pula direbut;
 Tuan datang dari jauh,
 Kami di sini gembira menyambut.

Dahan dilentur buah digapai,
 Bungkus segera nangka diikat;
 Niat ditutur matlamat dicapai,
 Dua negara sama sepakat.

Sambau sejempit dibuat ubat,
 Khasiatnya kaya dukun menuntun;
 Duta dijemput agenda dinobat,
 Dua budaya saling disantun.

Melebur besi di dalam bara,
 Giat membuat kepala tongkat;
 Saling berkongsi dalam bicara,
 Sepakat niat janji diikat.



Seberang paya melintas titi,
Lubuk kelisa menanti dipukat;
Silang budaya saling hormati,
Tamadun bangsa tinggi diangkat.

Rehat di anjung menanti malam,
Bentang tikar jalinan guni;
China berkunjung menghulur salam,
Kongsi pakar ilmu terkini.

Redah samudera tiada upaya,
Pasak lulur ke dasar laut;
Jelajah negara belajar budaya,
Salam dihulur ukhawah bertaut.

Pasang pukut menjerat limbat,
Pikat rusa tambat di dahan;
Ilmu diangkat budaya dinobat,
Tradisi bangsa teguh pertahan.

- Lawatan dan Perbincangan dari Fenglongwan Group, China, Rakan Strategik Baharu UTeM (3.1.2024)
- Cultural Attache' - Embassy of The Republic of Iraq (9.1.2024)



Pinggian di pangku makan dijamu,
Daging dicarik di celah jari;
Naskhah dan buku pameran ilmu,
Bijak canterik santuni jauhari.

Ikan Talang ikan Parang,
Buat juadah makan di taman;
Ilmu dijulang naskhah dikarang,
Dijilid indah buat pedoman.

Orang berpumpun memasak gulai,
Dalam majlis jamuan apresiasi;
Karangan dihimpun diuji nilai,
Galak penulis jadi inspirasi.

Madah pantun bahasa berseri,
Wajah berpalis tika bertemu;
Anugerah disantun para jauhari,
Rancak menulis segudang ilmu.





Buah duku ranum di dahan,
Suluh cahaya tampaknya lebat;
Pentas buku jadi taruhan,
Julang karya penulis hebat.

Hati hiba terkenang puan,
Tidak jemu bergurau senda;
Beroleh laba bukan tumpuan,
Sebarkan ilmu menjadi agenda.

Buah bidara sajian taulan,
Dari Bengkalis ke Pekan Tamu;
Mangkat citra tonjol nukilan,
Sanjung penulis di pentas ilmu.

Hujan lebat di Pantai Siring,
Arus deras menghempas titi;
Naskah hebat teliti disaring,
Menobat penulis karya kualiti.



- Anugerah MAPIM-KPT Ke-14 2023 (22.12.2023)
- Pesta Buku Antarabangsa Selangor 2023 (1-10.12.2023)
- Ekspo Buku Malaysia 2024 (28.2.2024-3.3.2024)
- Pesta Buku Antarabangsa Kuala Lumpur (24.5.2024-2.6.2024)
- Pembekalan buku ke Perpustakaan Negara Malaysia (19.7.2024)



Gubahan corak lakaran tinta,
Beralas galang belacu selembur;
Demi semarak negara tercinta,
Jalur Gemilang gah berkibar.

Dalam dulang berisi ambar,
Hantaran bertuah bawa ke tanjung;
Jalur Gemilang megah berkibar,
Bentala bertuah bangga disanjung.

Tempa keris panjang sehasta,
Sarung gangsa berhias kundi;
Segak berbaris senada sekata,
Waris nusa pameran budi.

Mawar berduri pokoknya rendang,
Tanam berjarak sempadan berbata;
Wakil jauhari bumi Kesidang,
UTeM berarak bersorak gempita.





Mahkota paduka berlian tersemat,
Sinar terang menyinar suasa;
Laungan Merdeka suara keramat,
Rapat jurang seluruh bangsa.

Rotan lentur paluan nekara,
Iring seloka hiburan panglima;
Jangan luntur semangat perwira,
Bahtera Merdeka kemudi bersama.

Hujan mencurah basahi laman,
Mentari merah di ufuk barat;
Tragedi berdarah jadi pedoman,
Kekal sejarah hindar terjerat.

Papan tongkah susunan titi,
Jinjing sulang buatan tembaga;
Derap langkah bersatu hati,
Jalur Gemilang diarak warga.



- Perarakan UTeM Kemerdekaan (31.8.2024)
- Majlis Pelancaran Bulan Kebangsaan dan Kibar Jalur Gemilang 2024 Peringkat UTeM (14.8.2024)



Dangau pandang beratap nipah,
Tiang dibuat pancang berjaji;
Kami bertandang Benua Eropah,
Membentang niat citra berjanji.

Celah jerami Gelam menjengah,
Sambil berangan Puyu dicari;
Bersafar kami ke timur tengah,
Luas jaringan janji dipateri.

Dagang di pasar buah berangan,
Jual sekendi penuh berisi;
Tembok Besar negara kunjungan,
TVET menjadi ehwal diskusi.

Sanak di darat pergi ke tanjung,
Untuk menjamu memelai bersanding;
Negara barat tanah dikunjug,
Pengalaman dan ilmu sama dirunding.



تي تیکنیکل ملیسا ملاك

Terbit suria di hujung desa,
Duduk di pangkin memakan rambutan;
Giat daya cerminan nusa,
Menjadi mangkin pemaju watan.

Kebaya merah disulam berongga,
Dokoh berlima siap tersemat;
Safar ziarah nusa tetangga,
Runding bersama capai matlamat.

Durian sepangsa isi dicubit,
Dimakan cucu Bentara keramat;
Berkunjung ke nusa mentari terbit,
Usaha dipacu kongsi matlamat.

Buah jeruju di atas pelantar,
Jadam sahaya untuk disimpan;
Negara maju utusan dihantar,
Mencorak daya di masa depan.

- Lawatan Kerja UTeM ke Emiriah Arab Bersatu (3 hingga 9.3.2024)
- Lawatan Kerja MTUN TVET Termaju bersama Delegrasi Kementerian Pendidikan Tinggi ke Jerman, Luxembourg dan Perancis (20.5.2024 hingga 2.6.2024)
- Menghadiri Senior Management Leadership Programme "Elevate Your Senior Management Leadership Prowess" di Harvard Faculty Club, Boston, Amerika Syarikat (21 hingga 28.9.2024)
- MoA bersama Fenglongwang Enterprise di Kunming, China (22.6.2024)
- Perbincangan Peluang Kerjasama bersama Beijing Normal University, Beijing, China (20.6.2024)



- Lawatan Kerja Naib Canselor dan Mengiringi YB Menteri Pendidikan Tinggi ke Jepun (16 hingga 23.2.2024)
- Lawatan Kerja Naib Canselor bersama Delegasi TYT Yang di-Pertua Negeri Melaka ke Cape Town, Afrika Selatan (28.6.2024 hingga 1.7.2024)



UTeM

اويونرسيتي تېكنيكل ماليسيا ملاك

UNIVERSITI TEKNIKAL MALAYSIA MELAKA



اويونرسيتي تېكنيكل ماليسيا ملاك

UNIVERSITI TEKNIKAL MALAYSIA MELAKA



UTeM

اوپنورسیتی تیکنیکل ملیسیا ملاک

UNIVERSITI TEKNIKAL MALAYSIA MELAKA



UTeM

اوپنورسیتی تیکنیکل ملیسیا ملاک

UNIVERSITI TEKNIKAL MALAYSIA MELAKA

Perpustakaan Laman Hikmah
Universiti Teknikal Malaysia Melaka,
Hang Tuah Jaya, 76100 Durian Tunggal,
Melaka, Malaysia.

Phone: +606-270 1200 Fax: +606-270 1039

Jauhar KESIDANG TVET TERBILANG

JAUHAR KESIDANG TVET TERBILANG

Simbolik UTeM sebagai gerbang ilmu yang berperanan menghasilkan permata TVET dari kelompok kesidang untuk memenuhi agenda pendidikan utama negara iaitu melahirkan pelajar yang belajar sepanjang hayat dan berkemahiran serta berkebolehan menangani perubahan teknologi yang pantas. Ianya juga menggambarkan kepakaran dan kebijaksanaan para ilmuwan di UTeM yang mengharumkan nama universiti dalam pelbagai arena sama ada akademik atau penyelidikan serta menjulang ilmu ke peringkat yang disanjung tinggi.

Jauhar Kesidang TVET Terbilang memuatkan garapan pantun sebagai satu usaha murni UTeM dalam memartabatkan seni berpantun yang semakin ditelan zaman sebagai jalan penceritaan. Segala aktiviti UTeM diadakan dan diolah di dalam buku ini dengan penceritaan bergambar berdasarkan tema lima teras strategik UTeM iaitu Memperkasas TVET, Meluncur Kerjaya; Mempromosikan RICE, Menjana Pendapatan; Menjuarai Khidmat Insani, Mengundang Kesejahteraan; Mencetuskan Ekosistem Rancak, Melestarikan Universiti; dan Mengembangkan Nilai, Menggamit Kemakmuran.



PENERBIT
UTeM
Press

Laman Sesawang : <https://penerbit.utm.edu.my>
Kedai Buku Dalam Talian : <https://utembooks.utm.edu.my>
Emel : penerbit@utm.edu.my

ISBN 978-629-7658-92-6

